



## MAJLIS BANDARAYA SEBERANG PERAI

### TEKS UCAPAN

YBHG. DATO' Sr HAJI ROZALI BIN HAJI MOHAMUD  
**DATUK BANDAR**  
**MAJLIS BANDARAYA SEBERANG PERAI**

### SEMPENA

MAJLIS PERASMIAN PERTANDINGAN  
SNUKER MBSP TERTUTUP

### TARIKH / MASA / TEMPAT

**27 NOVEMBER 2019 (RABU)**  
**6.00 PETANG**

**CORNER POCKET SNOOKER CENTRE**  
**BUKIT MERTAJAM**

**Terima kasih Saudara / Saudari Pengacara Majlis**

**Yang Dihormati Ahli-Ahli Majlis**

Majlis Bandaraya Seberang Perai

**Yang Berusaha Puan Ir. Hj Rosnani Binti Hj Mahmud**

Setiausaha Bandaraya

Majlis Bandaraya Seberang Perai

**Yang Dihormati Sr Mat Nasir Bin Hassan**

Naib Yang Dipertua PESUKA

**Yang Dihormati Lar. Shaqhrony Bin Md Yusuff**

Setiausaha Kehormat PESUKA

**Yang Dihormati Encik Mohd Puad Bin Hamid**

Bendahari Kehormat PESUKA

**Yang Dihormati Encik Mohd Fidae Bin Mohamad**

Ketua Sukan PESUKA

**Ketua–Ketua Jabatan dan Pegawai-Pegawai Kanan**

Majlis Bandaraya Seberang Perai

**Wakil Majlis Pengurusan Komuniti Kampung Sungai Rambai dan Padang Lalang**

**Ahli-ahli jawatankuasa PESUKA**

**Ahli-ahli PESUKA**

**Warga Kerja Majlis Bandaraya Seberang Perai**

**Pemain-Pemain Snuker Yang Bertanding**

**Rakan-Rakan Media**

**Tuan-Tuan Dan Puan-Puan Yang Dihormati Sekalian**

Assalamualaikumwarahmatullahhiwabarakatuh,  
Selamat petang dan salam sejahtera,

Alhamdulillah, bersyukur ke hadrat Allah s.w.t. kerana dengan izin dan limpah kurnianya dapat kita berkumpul bersama-sama pada petang ini dalam Majlis Perasmian Pertandingan Snuker Tertutup MBSP Tahun 2019 anjuran bersama PESUKA dengan Majlis Pengurusan Komuniti Kampung (MPKK) Sg.Rambai dan Padang Lalang di Corner Pocket Snooker Centre, Bukit Mertajam. Saya juga ingin mengambil kesempatan untuk mengucapkan ribuan terima kasih kepada pihak PESUKA kerana sudi menjemput saya untuk merasmikan majlis ini.

Terlebih dahulu saya ingin merakamkan penghargaan dan ucapan ribuan terima kasih kepada Ahli-Ahli Majlis Encik Tan Cheong Heng, Encik Mohd Sharmizan Bin Haji Mohamad Nor, Encik Ooi Yong Wooi dan Encik Tan Chee Teong dan pihak MPKK Sungai Rambai dan Padang Lalang atas sokongan dan penglibatan mereka dalam menjayakan program pada petang ini. Saya juga turut berterima kasih kepada Ahli-Ahli Majlis, Puan Setiausaha Bandaraya, Ketua-Ketua Jabatan dan Pegawai-Pegawai Kanan MBSP, para pemain snuker dan para hadirin sekalian kerana sudi meluangkan masa bersama menghadiri dan memeriahkan lagi majlis pada petang ini. Saya juga ingin mengambil kesempatan ini untuk merakamkan ucapan ribuan terima

kasih dan penghargaan saya kepada PESUKA yang telah menunjukkan kewibawaan untuk menganjurkan program ini dengan meriah sekali. Syabas dan Tahniah!

**Tuan-Tuan dan Puan-Puan yang dihormati sekalian,**

Untuk makluman para hadirin yang dihormati sekalian, MBSP diisytiharkan sebagai Majlis Bandaraya pada 16 September 2019 dan menjadi Pihak Berkuasa Tempatan yang ke 15 dinaiktaraf sebagai Majlis Bandaraya. Ini merupakan satu pencapaian yang amat dibanggakan kerana Pulau Pinang menjadi satu-satunya negeri di Malaysia yang ke semua Pihak Berkuasa Tempatannya bertaraf Bandaraya.

Kejohanan dan pertandingan sukan anjuran PESUKA merupakan acara yang bermakna di mana kita semua sebagai warga kerja MBSP berpeluang untuk sama-sama melibatkan diri dalam mana-mana acara sukan yang diminati. Namun begitu, saya rasakan apa yang lebih penting di sini ialah kejayaan penganjuran acara-acara sukan ini adalah satu usaha untuk mewujudkan semangat setiakawan, semangat muafakat dan kesungguhan untuk mencapai sesuatu tujuan untuk dikongsi bersama-sama.

Acara sukan seumpama ini dapat mengeratkan lagi ikatan silaturrahim di kalangan warga kerja MBSP. Menang atau kalah bukanlah ukuran penting untuk menentukan kualiti sesebuah pasukan atau individu, tetapi dinilai dari segi semangat kesukanan bersatu padu, bertoleransi, sikap menerima kekalahan serta meraikan pasukan yang menang.

Program kejohanan dan pertandingan sukan yang dianjurkan oleh MBSP adalah selari dengan *Penang2030* di bawah tema strategi A: "*Increase liveability to enhance quality of life*" iaitu "*Diversify recreation, sports, arts and culture facilities*" (Inisiatif strategi A4). Ianya selaras dengan pelaksanaan strategik "Gaya Hidup Sihat" dalam Pelan Strategik Seberang Perai Tahun 2018 – 2022, di mana pelbagai program-program sukan, senam dan rekreasi seperti *Forest Bathing*, *Senam Sihat Warga MBSP*, *Fun Walk*, *Fun Ride*, *I Love Penang Run*, dan *Sungai Perai Nature Walk* dianjurkan untuk manfaat kesihatan dan rekreasi warga Seberang Perai.

Acara-acara senam sihat dan bersukan sesungguhnya merupakan antara medium yang boleh menyatukan masyarakat tanpa mengira pangkat, usia, jantina dan bangsa. Kita semua sebenarnya mempunyai peranan dalam membudayakan sukan dalam kehidupan kita. Kehidupan yang cergas dan aktif adalah penting untuk kesihatan tubuh badan dan seterusnya akan menghasilkan fikiran yang cerdas dan minda yang kreatif. Badan yang sihat

juga akan melahirkan insan yang cergas dengan minda yang cerdas. Gabungan ciri-ciri ini akan mencorakkan personaliti yang terbaik dalam diri kita.

MBSP akan terus komited dengan melaksanakan pelbagai aktiviti sukan dan rekreasi dan salah satu usaha adalah dengan penganjuran Pertandingan Snuker MBSP seperti yang diadakan pada hari ini.

### **Tuan-Tuan dan Puan-Puan yang dihormati sekalian,**

Pertandingan Sukan Snuker mula diperkenalkan di MBSP pada tahun 2015 melalui Ahli Majlis Encik Tan Cheong Heng dan seterusnya dijadikan acara tahunan di bawah penganjuran PESUKA.

Tahun ini, jumlah penyertaan dalam Pertandingan Snuker adalah seramai 44 orang daripada kalangan warga kerja MBSP dan juga turut melibatkan penyertaan empat (4) Ahli Majlis iaitu Encik Tan Cheong Heng, Encik Mohd Sharmizan Bin Haji Mohamad Nor, Encik Ooi Yong Wooi dan Encik Tan Chee Teong. Kos keseluruhan penganjuran sukan snuker ini adalah sebanyak RM9,450.00 Hadiah keseluruhan bagi pertandingan snuker ini

adalah berupa wang tunai sebanyak RM3,000.00. Yang mana johan pertandingan akan membawa balik wang tunai sebanyak RM1,000.00.

**Tuan-Tuan dan Puan-Puan yang dihormati sekalian,**

Saya tidak berhasrat untuk bercakap lebih panjang lagi, kerana saya percaya, para hadirin sekalian sedang menanti dengan penuh debaran untuk menyaksi pertandingan snuker yang akan dilancarkan sekejap lagi. Sebelum mengakhiri ucapan saya pada hari ini, saya sekali lagi ingin mengambil kesempatan untuk merakamkan ucapan ribuan terima kasih dan penghargaan saya kepada semua pihak yang terlibat secara langsung mahupun tidak langsung bagi menjayakan pertandingan snuker pada hari ini. Saya harapkan pertandingan sebegini dapat diteruskan dan dijadikan acara tetap / tahunan.

Akhir sekali, saya mengucapkan SELAMAT BERTANDING kepada kesemua pemain dalam semangat kesukanan yang tinggi dan harmoni. Jangan menyerah kalah sebelum berusaha.

Dengan lafaz BISMILLAHIRRAHMANNIRRAHIM, saya dengan sukacitanya merasmikan Pertandingan Snuker MBSP Tahun 2019.

**Sekian.**

***Wabillahi Taufik Wal Hidayah, Wassalamualaikum Warahmatullahi  
Wabarakatuh.***

**Terima kasih.**